



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Miomirka Melank, zastupnica Naše stranke
U Zastupničkom domu Parlamenta Federacije Bosne i Hercegovine
Sarajevo, 14.05.2020.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:	14-05-2020		
Org. jed.	Broj	Priloga	Vrijednost
01-	02-	917	/20

Dostaviti:
Bosna i Hercegovina
Federacija Bosna i Hercegovina
Parlament Federacije BiH – Predstavnički dom
n/r Mirsad Zaimović, predsjedavajući

Uputiti: Vlada Federacije Bosne i Hercegovine
Zakonodavno-pravna komisija i nadležne komisije

PREDMET: Prijedlog Zakona o izmjenama Zakona o državnoj službi u Federaciji Bosne i Hercegovine

Poštovani,

Na osnovu članova 11, 163, 172. i 179. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, broj 69/07 i 2/08), Vladi FBiH, upućujem **Prijedlog Zakona o izmjenama Zakona o državnoj službi u Federaciji Bosne i Hercegovine** („Službene novine Federacije BiH“, br. 29/2003, 23/2004, 39/2004, 54/2004, 67/2005, 8/2006, 77/2006 - odluka US, 34/2010 - odluka US, 45/2010 - dr. zakon, 4/2012, 99/2015 i 9/2017 -odluka Ustavnog Suda) – u nastavku teksta: *Zakon:*

Član 1.

U Članu 59. (Preventivna suspenzija) stav 2. alineja a) mijenja se i glasi:

„a) državni službenik koji je suspendiran ima pravo na 55% od svoje plaće. U posebnim slučajevima, kada ima porodicu koju izdržava, državni službenik ima pravo na 65% od svoje plaće.“

Član 2.

Ovaj zakon stupa na snagu narednog dana od dana objave u „Službenim novinama Federacije BiH“.

I - USTAVNI OSNOV

Ustavni osnov za donošenje ovog zakona sadržan je u članu III.1. tačka j), Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansiranju djelatnosti federalnih vlasti i ustanova i institucija koje federalne vlasti osnivaju oporezivanjem, zaduživanjem ili na druge načine, a Parlament Federacije, uz ostala ovlaštenja predviđena Ustavom, odgovoran je za donošenje zakona kojima se reguliraju pitanja vezana za finansiranje djelatnosti federalnih vlasti i ustanova i institucija.

II – RAZLOZI ZA DONOŠENJE

Prioritet je usklađivanje plaćanja suspendovanih državnih službenika sa suspendovanim policijskim službenicima. Trenutno privremeno suspendovani državni službenici imaju pravo na puni iznos plaće za period suspenzije. Sa druge strane prema Članu 113. Zakona o policijskim službenicima Bosne i Hercegovine ("Sl. glasnik BiH", br. 27/2004, 63/2004, 5/2006, 58/2006, 58/2006, 15/2008, 50/2008 - dr. zakon, 63/2008, 35/2009, 7/2012 i 42/2018 - odluka US), tokom suspenzije iz policijskog organa, policijski službenik ima pravo na 55% svoje plate, dok u posebnim slučajevima, kada ima porodicu koju izdržava, policijski službenik ima pravo na iznos do 65% svoje plate.

III – OBRAZLOŽENJE PREDLOŽENIH PRAVNIH RJEŠENJA

Članom 1. određuje se umanjivanje plaća suspendovanih državnih službenika.

Članom 2. prijedloga se određuje vrijeme stupanja na snagu ovog zakona.

IV – FINANSIJSKA SREDSTVA

Za provođenje ovog zakona nije potrebno osigurati dodatna sredstva u Budžetu Federacije Bosne i Hercegovine.

Zakon o državnoj službi („Službene novine Federacije BiH“, br. 29/2003, 23/2004, 39/2004, 54/2004, 67/2005, 8/2006, 77/2006 - odluka US, 34/2010 - odluka US, 45/2010 - dr. zakon, 4/2012, 99/2015 i 9/2017 -odluka Ustavnog Suda)

Odredbe posotojećeg zakona koje se dopunjuju ili mijenjaju

Član 59.

(Preventivna suspenzija)

1. Ako se pokrene postupak u skladu sa članom 58. ovog zakona, rukovodilac organa državne službe dužan je državnog službenika odmah da suspendira u slučajevima:

- a) ako se protiv državnog službenika pokrene krivični postupak za krivično djelo počinjeno u vršenju službene dužnosti i/ili;
- b) ako se državni službenik nalazi u pritvoru.

2. Ako se pokrene postupak u skladu sa članom 58. ovog zakona rukovodilac organa državne službe može suspendirati državnog službenika u slučajevima:

- a) ako je protiv državnog službenika pokrenut krivični postupak za krivično djelo za koje se može izreći kazna zatvora u trajanju od najmanje pet godina;
- b) ako je državni službenik zatečen u izvršenju krivičnog djela za koje se može izreći kazna zatvora u trajanju od najmanje pet godina i
- c) ako postoje ozbiljni razlozi koji ukazuju na izvršenje krivičnog djela.

3. U slučaju preventivne suspenzije:

- a) državni službenik koji je suspendiran prima puni iznos plaće;
- b) disciplinski postupak se suspendira sve dok se ne donese pravomoćna presuda nadležnog suda.

S poštovanjem,

Miomirka Melank

